



ქალაქ თბილისის მუნიციპალიტეტის მთავრობა



განკარგულება - N 22.812.879
30 / მაისი / 2022 წ.

ქალაქ თბილისის მუნიციპალიტეტის მომსახურე ბანკის შესარჩევი კონკურსის გამოცხადების შესახებ

„ქალაქ თბილისის მუნიციპალიტეტის მომსახურე ბანკის შესარჩევი საკონკურსო კომისიისა და კომისიის სამდივნოს შექმნის შესახებ“ ქალაქ თბილისის მუნიციპალიტეტის მთავრობის 2022 წლის 18 მაისის N22.745.814 განკარგულებით შეიქმნა ქალაქ თბილისის მუნიციპალიტეტის მომსახურე ბანკის შესარჩევი საკონკურსო კომისია (შემდგომში - კომისია) და კომისიის სამდივნო.

კომისიამ შეიმუშავა და ქალაქ თბილისის მუნიციპალიტეტის მთავრობის მიერ დასამტკიცებლად წარმოადგინა ქალაქ თბილისის მუნიციპალიტეტის მომსახურე ბანკის შესარჩევი კონკურსის ჩასატარებლად საჭირო დოკუმენტების პაკეტი, რომელიც დანართების სახით ერთვის განკარგულებას.

ზემოთ აღნიშნულიდან გამომდინარე, ქალაქ თბილისის მუნიციპალიტეტის ეროვნული ვალუტის ანგარიშზე არსებული ნაშთის სრულ მოცულობაზე დასარიცხი წლიური მაღალი საპროცენტო სარგებლის მიღების, ანგარიშების მართვისა და ოპერაციების კონტროლის, აგრეთვე, ამ ანგარიშებიდან თანხის გადარიცხვისა და სხვა ოპერაციების შეუფერხებელი და ხარისხიანი მომსახურების განხორციელების მიზნით, საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის „ა“ ქვეპუნქტის და 75-ე მუხლის „ა.დ“ ქვეპუნქტის საფუძველზე,

ქალაქ თბილისის მუნიციპალიტეტის მთავრობამ გადაწყვიტა:

1. ცნობად იქნას მიღებული „საბანკო მომსახურების შესახებ“ ქალაქ თბილისის მუნიციპალიტეტსა და სს „თბილისი ბანკს“ შორის 2020 წლის 19 ივნისს გაფორმებული ხელშეკრულების 2022 წლის 20 ივნისიდან შეწყვეტის საკითხი.

2. ქალაქ თბილისის მუნიციპალიტეტის ეროვნული ვალუტის ანგარიშზე არსებული ნაშთის სრულ მოცულობაზე დასარიცხი წლიური მაღალი საპროცენტო სარგებლის მიღების, ანგარიშების მართვისა და ოპერაციების კონტროლის, აგრეთვე, ამ ანგარიშებიდან თანხის გადარიცხვისა და სხვა ოპერაციების შეუფერხებელი და ხარისხიანი მომსახურების განხორციელების მიზნით, გამოცხადდეს ქალაქ თბილისის მუნიციპალიტეტის მომსახურე ბანკის შესარჩევი კონკურსი.

3. კონკურსის ჩატარების თარიღად განისაზღვროს 2022 წლის 9 ივნისი 12:00 საათი. კონკურსის ჩატარების ადგილი: ქალაქ თბილისის მუნიციპალიტეტის მერიის ადმინისტრაციული შენობა, მისამართი: ქ. თბილისი, ჟ. შარტავას ქ. N7, მე-20 სართული.

4. კონკურსში მონაწილეობისათვის სავალდებულო დოკუმენტების მიღება განხორციელდეს 2022 წლის 30 მაისიდან 2022 წლის 6 ივნისის ჩათვლით, მისამართზე: ქალაქი თბილისი, ჟ. შარტავას ქ. N7, მე-12 სართული, ოთახი N1204, ტელ: 032 237 84 66, 577 157 595.

5. კონკურსის სრულყოფილად ჩატარების მიზნით დამტკიცდეს:

ა) ქალაქ თბილისის მუნიციპალიტეტის მომსახურე ბანკის შესარჩევი კონკურსის ჩატარების წესი (დანართი 1);

ბ) ქალაქ თბილისის მუნიციპალიტეტის მომსახურე ბანკის შესარჩევი კონკურსის პირობები (დანართი 2);

გ) კონკურსში მონაწილეობის მსურველთა მიერ წარმოდგენილი დოკუმენტების სარეგისტრაციო ფორმა (დანართი 3);

დ) „მომსახურე ბანკის შესარჩევი კონკურსში მონაწილეობის შესახებ“ განცხადების ფორმა



(დანართი 4);

ე) „ქალაქ თბილისის მუნიციპალიტეტის მომსახურე ბანკის შესარჩევი კონკურსის გამოცხადების შესახებ“ განცხადების ფორმა (დანართი 5)

ვ) ქალაქ თბილისის მუნიციპალიტეტის მომსახურე ბანკის შესარჩევი კონკურსზე გამოცხადებულ პრეტენდენტთა სარეგისტრაციო ფორმა (დანართი 6).

6. კონტროლი განკარგულების შესრულებაზე დაევალოს სფეროს კურატორ ქალაქ თბილისის მუნიციპალიტეტის მერის პირველ მოადგილეს(ვიცე-მერი) ირაკლი ხმალაძეს.

7. ამ განკარგულების გასაჩივრება, დაინტერესებული მხარის მიერ, შესაძლებელია მისთვის განკარგულების გაცნობიდან ერთი თვის ვადაში, თბილისის საქალაქო სასამართლოში (მისამართი: ქ.თბილისი, დავით აღმაშენებლის ხეივანი N64), საქართველოს კანონმდებლობით დადგენილი წესით.

ქალაქ თბილისის მუნიციპალიტეტის მერი



კახა კალაძე